

西安府志卷第五十一

大事志

唐

天文志五月丙午填星太白辰星聚于東井

冊府元龜七月京師慶雲見

冊府元龜新豐縣鸚鵡谷水清代傳云此水清天下平開皇初暫清尋濁至是復清

兵志始制軍府以驃騎車騎兩將軍府領之析關中爲十二道萬年長安富平醴泉居其四

按兵志三年更以萬年道爲參旗軍長安道爲鼓旗軍富平道爲元戈軍醴泉道爲并鉞軍軍置將副各一人

西安府志卷五十一

一

以督耕戰以車騎府統之旋廢十二年改驃騎曰統軍車騎曰副將

兵志天子禁軍者南北衙兵也南衙諸衛兵北衙者禁軍初高祖以義兵起太原已定天下悉罷遣歸其願留宿衛者三萬人高祖以渭北白渠旁民棄腴田分給之號元從禁軍後老不任事以其子弟代謂之父子軍

百官志殿中侍御史九人京畿諸州兵皆隸焉三輔及近畿州都督府皆置府

通鑑初羌豪旁合地以所部附薛舉及薛仁果敗合地來降留長安合地不樂率其衆數千叛入長安南山自南山諸谷出漢川所過殺掠

冊府元龜胡賊八千人掠涇陽王師仁爲討捕使擊走之  
冊府元龜賊帥呂寶生衆七千人破盩厔縣趙欽爲驃騎  
擊之斬首百餘級

高祖紀十二月如周氏陂

按已上事並在武德元年

天文志三月丙申填星太白聚于東井

高祖紀二月乙卯左屯衛將軍何潘仁及山賊張子惠戰  
于司竹死之庚申驍騎將軍趙欽王婆羅及山賊戰于盩  
厔死之

冊府元龜司竹羣盜祝山海有衆一千自稱護卿公太子  
建成率將軍桑顯和進擊平之

五行志十月乙未京師地震

按已上事並在武德二年

高祖紀閏月乙卯如穆州己未幸舊墅壬戌獵于好畤乙  
丑獵于九嶼丁卯獵于仲山戊辰獵于清水谷遂幸三原  
辛未如周氏陂舊書蘇世長傳世長拜諫議大夫從幸涇  
陽校獵大獲禽獸于旌門高祖謂朝臣曰今日畋樂乎世  
長曰陛下遊獵薄廢萬幾不滿十旬未爲大樂高祖色變  
旣而笑曰狂態發耶世長曰爲臣私計則狂爲陛下國川  
則忠矣

李子通傳杜伏威遣將討子通子通窮乃降並樂伯通送  
京師及伏威來朝子通語伯通曰東南未靖而伏威來我

故兵多在江外若收之可建大功皆亡及藍田爲關吏所獲並伏誅

按已上事並在武德四年

通鑑爲秦王世民警宏義官使居之

冊府元龜十一月丙申幸宣州癸卯校獵於富平北原

按已上事並在武德五年

冊府元龜二月庚戌幸溫湯戊午校獵于驪山獲白鹿三月乙未幸昆明池宴從官極歡而罷

按事在武德六年

冊府元龜閏四月萬年縣甘露降

高祖紀十月辛未獵于鄠癸酉幸終南山丙子謁樓觀老

西安府志卷五十一

三

子庚寅獵于圍川

冊府元龜十月幸樓觀以太牢祭隋文帝陵十二月丁卯幸躍龍宮戊辰校獵于高陵

按已上事並在武德七年

高祖紀四月甲申幸鄠縣獵于甘谷作太和宮六月甲子如太和宮十月辛巳幸周氏陂校獵于北原壬午如躍龍宮十一月辛卯如宜州校獵于西原庚子講武于同官

按事在武德八年

冊府元龜四月甘露降于中華殿

天文志五月己卯歲星辰星會于東井

冊府元龜涇陽縣生嘉禾異畝同穎

突厥傳高祖自將十萬與武功京師戒嚴攻高陵片  
德與戰涇陽獲俟斤烏沒斃斬首千餘級頡利遣謀臣執  
失思力入朝以覘我帝不如禮遣之乃馳騎幸渭上與可  
汗隔水語且責其負約俄而衆軍至虜大驚請和許之翌  
日刑白馬與頡利盟便橋上突厥引還隋唐書語突厥至  
渭水橋控弦四十萬太宗召衛公問策時發諸州軍未到  
長安兵不過數萬靖請傾府庫賂以求和沿軍邀其歸路  
帝從之兵退據隘邀之胡棄老弱而遁玉帛無所遺

按已上事並在武德九年

冊府元龜閏三月甘露降于長安縣

按事在貞觀元年

高祖紀三月庚寅幸昆明池習水戰丙午如周氏陂  
五行志京畿旱蝗太宗在苑中撥蝗祝曰人以穀爲命百  
姓有過在予一人但當食我毋害百姓遂吞之是歲蝗不  
爲災

按事在貞觀二年

冊府元龜四月甘露降于雍州

按事在貞觀三年

五行志正月癸巳武德殿北院火

冊府元龜二月己亥幸溫湯賜從官帛有差十二月甲辰  
狩于鹿苑見野人多藍縷遣侍中王珪賑賜貧人

冊府元龜四月甘露降于萬年縣

按已上事並在貞觀四年

冊府元龜正月癸酉大蒐于昆明池蕃夷君長咸從帝謂高昌王麴文泰曰丈夫在世樂事有三天下太平家給人足一樂也草淺獸肥以禮田狩弓不虛發箭不妄中二樂也六合大同萬方咸寧張樂高宴上下歡洽三樂也今日王可從禽明當歡讌耳丙子親獻禽于太安宮十二月壬寅幸溫湯癸卯獵驪山賜新豐高年帛

按事在貞觀五年

五行志十月乙丑京師地震

按事在貞觀六年

太宗紀十二月甲寅幸芙蓉園丙辰獵于少陵原

通鑑戊午從上皇置酒故漢未央宮上皇命突厥頡利可汗起舞又命南蠻酋長馮智戴詠詩既而笑曰胡越一家自古未有也帝奉觴上壽曰今四夷入臣皆陛下教誨非臣智力所及昔漢高祖亦從太上皇置酒此宮妄自矜大臣所不取也上皇大悅殿上皆呼萬歲

按已上事並在貞觀七年

通鑑上屢請上皇避暑九成宮上皇以隋文帝終于彼惡之十月營永安宮爲上皇清暑之所未成而上皇病不果居十二月丁卯從太上皇閱武于城西

按事在貞觀八年

兵志更號統軍爲折衝都尉別將爲果毅都尉諸府總曰

折衝關內道二百六十有一皆以隸諸衛

兵志禁軍太宗擇善射者百人爲二番於北門長上曰百騎又置北衙七營選材力驍壯月以一營番上

按事在貞觀十年

五行志四月甲子雷震乾元殿前槐樹

冊府元龜五月麟見京師之後苑

按已上事並在貞觀十一年

兵志始置左右屯營於元武門領以諸衛將軍號飛騎

地理志京兆府有府百三十一曰真化匡道水衙仲山新

城寶泉善信鳳神安業平香太清餘皆逸

唐六典貞觀初凡關內團結兵京兆府六千三百二十七

人

編遺錄畿內有八鎮兵隸左右神策軍

按已上事並在貞觀十二年

太宗紀正月乙巳拜獻陵賜宿衛陵邑郎將三原令爵一

級

太宗紀十二月壬辰獵于咸陽癸巳至自咸陽

按已上事並在貞觀十三年

太宗紀二月壬午幸温湯

冊府元龜七月白龍見于富平

通鑑上將幸同州校獵劉仁軌爲櫟陽丞上言今大稔民

收穫者十纔一二使之共承獵事治道葺橋動費一二萬

功實妨農事願少留鑾輿旬日俟其畢務則公私俱濟上賜璽書嘉納之

冊府元龜十二月壬辰臘校獵于樊川遇大雪其夜解圍按已上事並在貞觀十四年

冊府元龜三月乙酉安禮門御榻產芝五莖

按事在貞觀十五年

通鑑十二月癸卯幸溫湯甲辰獵于驪山上登山見圍有斷處顧謂左右曰吾見其不整而不刑則墮軍法刑之則是吾登高臨下以求人之過也乃託道險引轡入谷以避之

按事在貞觀十六年

玉海芝草生于太廟一十四莖爲龍鳳形

五行志四月立晉王爲太子有青氣繞東宮殿

天文志四月己卯朔日有食之在東井十六度

太宗紀十二月庚申幸溫湯

按已上事並在貞觀十七年

冊府元龜正月乙未幸鍾官城庚子幸鄠縣壬寅幸溫湯二月己酉幸靈口村落偏側問其受田丁三十畝遂夜分而寢憂其不給詔雍州錄尤少田者並給復移之于寬鄉天文志五月太白辰星會于東井六月丙辰復會

按已上事在貞觀十八年

通鑑庚午車駕至涇陽壬申幸漢甘泉宮

按事在貞觀二十年

舊唐書太宗紀夏四月乙丑營太和宮于終南改爲翠微宮五月戊子幸翠微宮通鑑冀州進士張昌齡獻頌上命於通事舍人裏供奉

按事在貞觀二十一年

冊府元龜正月戊戌幸溫湯癸卯御製溫湯碑以示羣臣太宗賢妃徐惠傳貞觀末稍治宮室百姓勞怨惠上疏極諫言翠微玉華等宮雖因山籍水無築構之苦而工力和儉不謂無煩帝善之

按事在貞觀二十二年

五行志三月甲弩庫火

太宗紀四月乙亥幸翠微宮

按已上事並在貞觀二十三年

高宗紀十月庚子幸溫泉

按事在永徽四年

高宗紀十月癸卯築京師羅郭起觀于九門

按事在永徽五年

高宗紀正月壬申拜昭陵陵所宿衛進爵一級癸酉以少牢祭陪葬者

按事在永徽六年

天文志五月甲子晦日有食之在東井二十七度

按事在龍朔元年

通鑑四月辛巳作蓬萊宮高宗紀十月丁酉幸溫湯皇太子監國

按事在龍朔二年

冊府元龜十二月詔以含元殿前琅臺閣內並見麟改來年爲麟德元年

按事在龍朔三年

五行志六月戊申朔日食在東井二十九度

按事在總章二年

天文志六月壬寅朔日有食之在東井十八度

按事在咸亨元年

天文志七月丁亥彗星見于東井長三丈掃中台指文昌

按事在上元三年

冊府元龜正月庚辰幸司竹園

按事在儀鳳元年

高宗紀正月庚辰京師地震

按事在儀鳳二年

五行志京城民謠有側堂堂撓堂堂之謠太常丞李嗣真曰側者不正撓者不安再言堂者唐再受命之象

按事在調露初年

五行志長安獲女魃長尺有二寸其狀恠異是歲秋不雨至于明年九月

按事在永隆初年

五行志九月乙巳新豐縣大風雨有山湧出高二十丈有池周三百畝池中有龍鳳之形禾麥之異武后名曰慶山俞文俊上言天氣不和而寒暑隔人氣不和而贅疣生地氣不和而堆阜出今陛下以女主居陽位反異剛柔故地氣隔塞山變爲災后怒流于嶺南

按事在垂拱二年

互見各山卷

武后紀七月乙亥京師地震

按事在垂拱三年又四年七月戊午復震

天文志六月朔日有食之在東井二十七度

按事在垂拱四年

五行志正月丙申明堂火太后欲避正殿徹宰相姚璹以

西安府志卷五十一

十

爲火因人非天災不貶損后乃御端門觀酺引建章故事復作明堂以厭之是歲內庫災燔二百餘區

按事在證聖元年

冊府元龜十二月甲午幸新豐温湯庚子幸兵部尙書韋嗣立莊舍隋唐嘉話中宗與韋后幸嗣立莊封逍遙公又改其居鳳凰原爲清虛原鸚鵡谷爲幽栖谷

按事在景龍三年

通鑑上幸隆慶池

按事在景龍三年

玉海十月己巳冊皇太子是日有景雲之瑞遂改元

按事在景雲元年

天文志四月熒惑太白合于東井

按事在太極元年

冊府元龜十月癸卯從太上皇幸新豐獵于驪山命從官宴設樗蒲焉賜帛有差十二月癸卯幸新豐之温湯便獵于渭川

按事在先天元年

冊府元龜十月癸卯親講武于驪山徵兵二十萬旌旗連亘五十餘里戈鋌金甲照耀天地列大陣於長川帝親擐戎服持沉香大鎗立于陣前威振宇宙長安士庶奔走縱觀填塞道路

按事在開元元年

西安府志卷五十一

十一

元宗紀九月庚寅作興慶宮戊戌幸温湯

按事在開元二年

元宗紀十一月乙酉幸温湯

按事在開元三年又開元四年二月丙辰開元七年十月辛卯八年十月庚寅九年正月甲寅十二月乙酉並幸温湯

五行志正月癸卯太廟四室壞

五行志十一月乙卯定陵寢殿火

按已上事並在開元五年

兵志詔折衝府兵六歲一簡自高宗武后時久不用兵府兵之法寔壞番役更代多不以時衛士稍稍亡匿宰相張

說乃請一切募士宿衛

按事在開元六年

五行志京師興道坊一夕陷爲池居民五百餘家皆沒不見

按事在開元八年

王志愔傳王志愔爲揚州長史帝幸東都詔留守京兆京兆人權梁山妄稱襄王子與左右屯營官謀反自稱光帝夜犯長樂門入宮城將殺志愔踰牆走而屯營兵悔更斬梁山等自愔慙悸卒宋璟傳權梁山謀反勅河南尹王怡馳傳徃按牢械充滿久未決乃命璟爲京留守復其獄平縱數百人

按事在開元十年

兵志取京兆蒲同岐華府兵及白丁共十二萬號長從宿衛歲一番命尙書左丞蕭嵩與州吏共選之明年更號曰彊騎

兵志元宗以萬騎左右營改爲左右龍武軍皆用唐元功臣子弟制若宿衛兵是時良家子避征戍者亦皆納資隸軍分日更上如羽林

冊府元龜十月丁酉幸新豐之温湯置温泉宮

按已上事並在開元十一年又開元十五年十二月乙

亥十六年十月己卯十二月丁卯並幸温泉宮

志詔左右羽林軍飛騎闕取京旁州府士以戶部印印

其備爲二籍羽林兵部分掌之

按事在開元十二年

兵志始以曠騎分隸十二衛總十二萬爲六番每衛萬人  
京兆曠騎凡六萬六千人

按事在開元十三年

玉海億歲殿生芝草

按事在開元十五年

冊府元龜三月京兆府三原浪井出

按事在開元十六年

百家繪開元中含元殿火基下出丹堊有隱語不可解言  
天漢三年赤元生粟木下有子傷心過酷

五行志四月乙亥大風震電藍田山摧百餘步

冊府元龜五月有靈芝草產于太廟殿柱

元宗紀十一月丙申拜橋陵戊戌拜定陵己亥拜獻陵壬  
寅拜昭陵乙巳拜乾陵白孔六帖時有事五陵有司以鷹  
犬從姚崇子奕曰非禮奏罷之元宗紀十二月辛酉幸温

泉宮

按已上事並在開元十七年

元宗紀四月乙卯築京師外郭

按事在開元十八年

元宗紀正月丁巳幸温泉宮

按事在開元二十年又是年十月庚戌復幸

冊府元龜十二月命十道採訪使舉賢刺史縣令以京兆府高陵縣令裴迴蓋屋縣令戴休琬奉先縣令李知止涇陽縣令韋伯祥等聞上降書宣慰刺史賜帛八十四匹縣令五十匹勅曰卿等各能用心副朕所委今茲歲會風政有歸是用激揚以勵清操

按事在開元二十三年

元宗紀十月戊申京師地震

通鑑醴泉妖人劉志誠作亂驅掠路人將趣咸陽村民走縣官焚橋斷路以拒數日悉擒斬之

按已上事並在開元二十四年

冊府元龜十一月壬申幸溫泉宮

西安府志卷五十一

十四

按事在開元二十五年又二十六年十月戊寅二十七年十月丙寅二十八年正月癸巳並幸溫泉宮

五行志三月癸巳京師地震

按事在開元二十六年

文獻通考五月帝謂宰臣曰朕在藩邸有宅在積善里東南隅宜于此地置元元皇帝廟及崇元學

元宗紀十月甲子幸溫泉宮

按已上事並在開元二十八年

元宗紀正月癸巳幸溫泉宮

文獻通考四月上夢元元皇帝云吾像在京城西南百餘里遣使求得之于盤屋迎置興慶宮

玉海六月甘露降司農寺

元宗紀十月丙申幸溫泉宮

按已上事並在開元二十九年

元宗紀正月陳王府參軍田國秀言元元皇帝降于丹鳳門通衢二月辛卯享元元皇帝于新廟

元宗紀十月丁酉幸溫泉宮

按已上事並在天寶元年

元宗紀正月己卯作昇仙宮丙辰加號元元皇帝曰大聖祖三月壬子享于元元宮改元元宮曰太清宮

元宗紀十月戊寅幸溫泉宮

按已上事並在天寶二年又三載正月辛丑十月甲午

四載十月戊戌五載十月戊戌並幸溫泉宮

冊府元龜二月癸酉興慶宮芝草生八月京兆新豐嘉禾生或九穗六穗

按事在天寶三載

通鑑十月幸驪山改溫泉宮曰華清宮房琯傳環宮所置

百司區署以瑄資機算詔總經度疏巖剔藪爲天子遊觀

通鑑十二月壬戌發馮翊華陰民夫築會昌城置百司王

公各置第舍土畝直千金元和志自開元來每歲十月臨

幸溫泉歲盡乃歸以新豐去泉稍遠卽于湯所置會昌縣

白孔六帖諸楊湯沐館並在華清東垣連蔓相照帝臨幸

必徧五家

按已上事並在天寶六載又按帝此後每歲十月並幸華清次年春首還宮不復綴錄

會昌解頤錄元宗幸溫泉見白鹿升天改會昌縣爲昭應按事在天寶七載

元宗紀六月丙寅謁太清宮加上元元皇帝號曰聖祖大道元元皇帝冊府元龜太白山人李渾上言神人言金星洞內有版石記聖皇福壽之符命御史中丞王鉷入仙遊谷獲之以獻帝御勤政樓受焉

冊府元龜六月大同殿產芝一莖按已上事並在天寶八載

冊府元龜二月獻陵昭陵乾陵定陵橋陵栢樹盡垂甘露元元皇帝降見言寶仙洞中有妙寶真符詔刑部尙書王倕等獲之次年正月獻于太清宮按已上事並在天寶九載

冊府元龜十月乙丑御朝元閣有慶雲見

按事在天寶十載

通鑑京兆人王鉷權寵日盛領二十餘使鉷弟戶部郎中鐸凶險不法名術士任海川問我有王者相否海川懼亡匿鉷恐事洩捕得杖殺之王府司馬韋會話之私庭鉷又使長安尉收會縊殺之鐸所善邢緯與龍武萬騎謀作亂上使鉷捕之緯帥其党格鬪會高力士軍至擊斬緯國忠

白上曰鉞必預謀會陳希烈極言鉞大逆當誅勅希烈與國忠鞠之於是任海川韋會等事皆發獄具鉞賜自盡錁杖死于朝堂

按事在天寶十一載

**通鑑**楊國忠號國夫人居第相鄰晝夜往來無復期度或並轡走馬入朝不施障幕道路掩目三夫人將從幸華清宮會于國忠第車馬僕從充溢數坊錦繡珠玉鮮華奪目國忠謂客曰吾本寒家一旦緣椒房至此未知稅駕之所然終不能致令名不若且極樂耳上在華清欲夜出遊龍武大將軍陳元禮諫曰宫外卽曠野安可不備不虞上爲引還

按事在天寶十二載

**天文志**六月乙丑朔日有食之幾旣在東井十九度

按事在天寶十三載

**天文志**二月熒惑太白鬥于井鬼間

**冊府元龜**八月己亥中書省五色雲見壬寅京兆府嘉禾生十月癸酉華清宮有石產玉芝

按已上事並在天寶十四載

**通鑑**祿山反六月哥舒翰敗陷潼關麾下來告急及暮平安火不至名宰相謀之楊國忠首唱幸蜀之策甲午上御勤政樓下制云欲親征聞者皆莫之信以崔光遠爲京兆尹充西京留守旣夕命龍武大將軍陳元禮整比六軍乙